




ՆՈՐԻՆԷՍՈՒՐԲ ՕԺՈՒԹՅՈՒՆ Տ. Տ. ՎԵՋԳԵՆ Ե ԿՆԹՈՂԻԿՈՍԻ ՀՈՎՎԱԳԵՏՏԿԱՆ ԵՅՑԵԼՈՒԹՅՈՒՆԸ ԺԻՐԱԿԻ ԹԵՄԻՆ

Ապրիլի 26-ին, ուրբաթ օր, Նորին Ս. Օծույթյուն Վեհափառ Հայրապետը հովվական այցելությամբ մեկնեց Շիրակի թեմը, տանելով իր հետ Լուսավորչի կանթեղից հավատի սրբազան հուրը, դրանով վառելու համար մի անգամ ևս Շիրակի թեմի պատվական հայ հավատացյալ ժողովրդի սըրտերը, Շիրակի պատմական թեմը անհամբեր սպասում էր Վեհափառ Հայրապետի շնորհաբեր այցելությանը:

Մեկնումից առաջ, կեսօրից հետո, Վեհափառ Հայրապետը Մայր Աթոռի ողջ միաբանության ուղեկցությամբ իջավ Մայր Տաճար աղոթքելու, և ապա օրհներով ներկա եղող հավատացյալ ժողովրդին ու միաբանությանը, մեկնեց Երևանի կայարանը:

Վեհափառ Հայրապետին ճանապարհելու համար կայարան էին եկել Մայր Աթոռի միաբանությունը, իրենց գլուխն ունենալով Գերագույն Հովեւոր Խորհրդի անդամներ գերապատիվ Տ. Վարդան և Տ. Եղնիկ սրբազան եպիսկոպոսները: Կայարան ողջերթի էին եկել նաև մայրաքաղաքի եկեղեցիների քահանայից դասը և եկեղեցական խորհուրդները, Մայր Աթոռի պաշտօնեությունը, ճեմարանի դասախոսական կազմը և հավատացյալների մի մեծ խումբ: Վեհափառ Հայրապետին ճանապարհելու համար կայարանում էին նաև Հայկական ՍՍՏ Միւնիստրների Սովետին առընթեր Հայ Եկեղեցու գործերի խորհրդի նախագահի տեղակալ պ. Ս. Հովհաննիսյանը, մամուլի ներկայացուցիչներ և թղթակիցներ:

Հովվապետական այս օրհնաբեր այցելության ժամանակ Վեհափառ Հայրապետին ուղեկցում էին Գերագույն Հոգեւոր Խորհրդի ատենապետ և Մայր Տաճարի լուսարարա-

պետ գերաշնորհ Տ. Սահակ արքեպիսկոպոս Տեր-Հովհաննիսյանը, գավաղանակիր հոգեշնորհ Տ. Եղիշե վարդապետ Սարգսյանը, Մայր Աթոռի դիվանապետ պ. Հայկ Առաքելյանը և բարեշնորհ Գառնիկ սարկավագ Մառուկյանը:

Ժամը 3.40-ին, ծափերի որոտի տակ, գնացքը շարժվեց դեպի Լենինական:

Շիրակի թեմը մեր հայրենի ընդարձակ և կարևոր թեմերից մեկն է, որն իր մեջ ընդգրկում է այժմ Շիրակի դաշտավայրի վրա փռված հայկական գյուղերն ու ավանները, Կիրովական և Ստեփանավան քաղաքները, Թալին ու Հոկտեմբերյան գյուղաքաղաքները: Ահա մի այսպիսի մեծ ու պատմական թեմի հովվապետական այցելություն էր տալիս Սահենայն Հայր Հայրապետը, տանելով իր հետ նաև օրհնությունները Մայր Աթոռի հազարամյա քարերի, ավետիսը մեր օրերի Հայ Եկեղեցու վերադարձնիքի և ողջունը հավերժական Մասիսի...:

Գարնանային այս օրերին, տրբա՛ն գրավիչ ու խոստմե են Շիրակի ընդարձակ, կանաչազարդ դաշտերը, որոնց հարուստ կուրծքը ճեղքելով, հայրենի բնաշխարհի գեղեցկությունների միջով տուրում էր գնացքը: Երեկոյան ժամը 9.30-ին գնացքը երկար սուլոցով ազդարարում է Վեհափառ Հայրապետի ուրախագիթ մուտքը Լենինական: Վեհափառ Հայրապետի ժամանումից դեռ շատ առաջ կայարան էր հավաքվել հավատացյալների խումբ բազմությամբ: Նորին Վեհափառությունը արտագինս և արժանատի կերպով հանդիսությամբ դիմավորելու համար Լենինականի կայարանն էին եկել Շիրակի թեմի առաջնորդական փոխանորդ հոգեշնորհ Տ. Կոմիտաս վարդապետ Տեր-Ստեփանյանը,

քահանայից դասը և թեմական խորհրդի անդամները:

Կայարանում Վեհափառ Հայրապետին դիմավորեցին նաև Հայկական ՍՍՄ Միևիստերների Սովետին առընթեր Հայ Եկեղեցու գործերի խորհրդի նախագահ պ. Հ. Գրիգորյանը, կենդանական տեղական իշխանություն պատասխանատու բարձրաստիճան ներկայացուցիչներ՝ այդ թվում կենդանականի քաղաքային Սովետի գործադիր կոմիտեի քարտուղար պ. Սամսոն Հեքիմյանը և քաղաքային Սովետի Կոպտուր-լուսավորական բաժնի վարիչ պ. Սուրեն Հարությունյանը, Հայաստանի հեռագրական գործակալության տեղական թերթերի թղթակիցներ:

Նրանից կենդանական ժամանող գնացքը կանգ առավ վերջապես կայարանում: Թնդաց ծափահարությունների զվարթորոտը, մինչ այդ երևաց Վեհափառ Հայրապետը իր պարթև հասակով, հայրական ծայրեր դեմքին, հովվական ասան ձեռքին, իր շքախմբով շրջապատված: Վեհափառը գնացքի սանդուղքների վրայից օրհնեց բոլորին և ժողովրդի խանդավառ ու սրտառուլ արտահայտությունների մեջ առաջնորդվեց կայարանի ընդունելության մեծ դահլիճը, որտեղ մի փոքր դադար առնելուց հետո, բազմաթիվ լավտոմեքենաների տուղեկությամբ, առաջնորդվեց կենդանականի հայոց առաջնորդարանը, ուր հավաքվել էր նմանապես հավատացյալների մի մեծ բազմություն: Վեհափառ Հայրապետը օրհնեց բոլորին, ապա բարձրացավ առաջնորդարան, ուր Շիրակի թեմի առաջնորդական տեղապահ հոգեշնորհ Տ. Կոմիտաս վարդապետ Տեր-Ստեփանյանը, հանձն Շիրակի թեմի հայրենասեր և հավատացյալ հայ ժողովրդի, բարի գալստյան սրտագին խոսքեր ասաց, թարգմանը հանդիսանալով բոլոր ներկաների զգացմունքներին և նրանց դեպի Մայր Աթոռն ու Ամենայն Հայոց նորրոնտի Հայրապետը տնեցած նվիրվածությունն ու երախտագիտությունը:

Վեհափառ Հայրապետը իր պատասխան խոսքի մեջ ասաց.

«Մենք այս պահուս շատ հուզված ենք: Հուզված ենք մանավանդ ձեր այսօրվա խանդավառ ընդունելությունեն և ձեր բարի ողջույնի խոսքերեն: Մենք շատ կգնահատենք ձեր առաջնորդական տեղապահի ծառայան ու եկեղեցաշեն գործը, որը աշույտ Մեզ շատ կուրախացնե և կմխիթարե: Մենք այ մտեն հետևած ենք ձեր թեմի հոգևոր գործերուն և բավարար գտած ենք զանոնք: Կհաղորենք ա՛լ ավելի համախմբվի Կոմիտաս Հայր Սուրբի շուրջը և այդ ձևով ա՛լ ավելի օգտակար ըլլալ մեր Եկեղեցիին: Այս պահուս կշեշտենք Մեր խորունկ հուզումը մանավանդ

անոր համար, որ առաջին անգամ առիթը ներկայացավ գալու ձեր գեղեցիկ քաղաքը և բերելու ձեզ Մեր հայրապետական օրհնությունն ու գնահատանքի խոսքը»:

Վեհափառ Հայրապետի խրատալուսիչ այս խոսքերից հետո սկսվեց աջահամբույր: Բոլորի սրտագին ցանկությունն էր մերձենալ Ամենայն Հայոց Հայրապետին և ստանալ Նրա օրհնությունը:



Ապրիլ 27, օրը շաբաթ: Վեհափառ Հայրապետը կենդանականի հայոց առաջնորդարանում բարեհաճեց ընդունել անհատական և պաշտոնական բազմաթիվ այցելություններ:

Առավոտյան ժամը 11.30-ին Վեհափառ Հայրապետը պաշտոնական այցելություն տվեց քաղաքի շենքում կենդանականի քաղաքային Սովետի նախագահ պ. Լ. Քոչարյանին, արժանանալով ջերմ ընդունելության: Վեհափառ Հայրապետին ուղիկցում էին Տ. Սահակ արքեպիսկոպոսը, Շիրակի թեմի առաջնորդական տեղապահ հոգեշնորհ Տ. Կոմիտաս վարդապետը, գավառականի հոգեշնորհ Տ. Նղիշե վարդապետը և Մայր Աթոռի դիմանապետ պ. Հայկ Առաքելյանը: Ընդունելությանը ներկա էր նաև Հայկական ՍՍՄ Միևիստերների Սովետին առընթեր Հայ Եկեղեցու գործերի խորհրդի նախագահ պ. Հրաչյա Գրիգորյանը:

Ընդունելության ժամանակ Վեհափառ Հայրապետը տղջուներով պ. նախագահին, ասաց.

«Հովվական այցելությամբ եկած ենք Շիրակի մեր թեմը, մխիթարելու մեր հավատացյալ հոտին: Այս առիթով շատ ուրախ ենք, որ կայցելենք նաև Ձեզ: Ուրախ ենք մանավանդ արտահայտելու Մեր գոհունակությունը, որ այս անգամ ավելի մեծցած ու գեղեցկացած կտեսնենք կենդանականը, ուր ամեն ֆայլի կնկալվի շինարարական մեծ աշխատանքներ, որոնց առդյունքը պիտի ըլլա ձեր այս քաղաքի ա՛լ ավելի բարեգարգումը և գեղեցկացումը»:

Ապա Վեհափառ Հայրապետի և քաղաքային Սովետի պ. նախագահի միջև տեղի ունեցավ սիրալիր խոսակցություն, որի ընթացքում պ. Լ. Քոչարյանը հանդամանորեն ծանոթացրեց Վեհափառ Հայրապետին Շիրակի հայ ժողովրդի կյանքին և այն հսկա շինարարական աշխատանքներին, որոնք կատարվել են և շարունակում են կատարվել կենդանականում և առհասարակ Շիրակի դաշտում: Վեհափառ Հայրապետը իր անհուն ուրախությունը հայտնեց Հայրենի երկրի շինարարության ասպարեզում ձեռք բերված նորանոր հաջո-

դուք լուծանքների համար և հրաժեշտ առավ լավագույն տպավորություններով, օրհնեց հայրենի իշխանությունն ու մեր ստեղծագործ շինարար ժողովրդին:



Նույն օրը ժամը 2-ին Վեհափառ Հայրապետն այցելեց հայ ճարտարապետության գեղեցիկ նմուշներից մեկը հանդիսացող Հառիճա նշանավոր վանքը, որը գտնվում է Լենինականից 35 կիլոմետր հեռավորության վրա և կառուցվել է Զաքարե և Իվանն հայ իշխանների կողմից: Հառիճա վանքը կառուցված է փոքրիկ բլրածև բարձրության վրա, իսկ հարավ-արևելքից խոր, անդնդանման ձորն է, որի միջից հոսում է սառնորակ աղբյուրների ջրերից կազմված գետակը: Այդ հուշակավոր վանքի կողքին գոյություն է ունեցել գիշերօթիկ դպրոց, որտեղ Մեսրոպյան տառերով սովորել են բազմաթիվ հայ պատանիներ և երիտասարդներ՝ ճշմարտորեն ծառայելու հայ ժողովրդին, Հայ Եկեղեցուն և հայ մշակույթին: Այսօր էլ այդ նույն վանական դպրոցի շենքում սովորում են նույն և հարևան հայ գյուղերի 350 աշակերտներ:

Ավտոմեքենաները կանգ առան այդ հռչակավոր հուշարձանի գլխավոր մուտքի առջև: Վեհափառ Հայրապետն դիմավորելու էին եկել ողջ գյուղի թնակիչները և դպրոցի աշակերտները՝ իրենց տառցիչների գլխավորությամբ: Վեհափառ Հայրապետը այցելեց վանքը, նաև վանքի բակում գտնվող միջնակարգ դպրոցը, իր հայրական օրհնությունը տվեց աշակերտներին և դաստիարակ տառցիչներին, մատթելով նրանց ուժ և կարողություն՝ վառ պահելու համար Մեսրոպյան լեզվի և հայ դպրոցի մեր մատաղ սերունդի՝ մանուկների և երիտասարդների սրտերում:

Ազգիս Սրբազնազույն Հայրապետը լավագույն տպավորություններով վերադարձավ Լենինական:



Շաբաթ երեկո է: Լենինականի Ս. Աստվածածին եկեղեցու ներսն ու դուրսը, ինչպես նաև ամբողջ շրջակայքը հավաքվել է ծովամտվալ բազմություն, պատշաճ կերպով դիմավորելու և հարգանք մատուցելու Ամենայն Հայոց Սրբազնագույն Հայրապետին: Ղողանջում են զանգերը և հայու հավատալիքը հոգին լցվում է երանությամբ, երկյուղածությամբ: Եզրաշափառում և հանդիսություն, եկեղեցական թափորով Վեհափառ Հայրապետը առաջնորդվում է եկեղեցի

բաշխելով իր հայրապետական օրհնությունները իր շուրջը եղող հազարավոր հավատացյալներին և նախագահում է կիրակամտի ժամերգության:

Հավարտ ժամերգության Վեհափառ Հայրապետը քարոզում է ժողովրդին՝ փոթորկելով հավատացյալ հոգիները:

«Յանուն Հօր և Որդույ և Հոգույն Սրբոյ, ամեն»:

Սիրելի հավատացյալ ժողովուրդ, ձեզ բուրիք բերում ենք սիրո ողջույն և օրհնություն հայրապետական ամենայն հայոց Մայր Աթոռ Ս. Էջմիածնից, Ս. Գրիգոր Լուսավորչի Գանից, Իշման Ս. Սեդակից, Արարատյան դաշտից, մեր հավիտենական Մասիսներից:

Ողջւյն այս եկեղեցու նոգեւոր դասին, որի գլուխը կանգնած է շնորհալի առաջնորդական տեղապահ Կոմիտաս Հայր Սուրբը, որի գործակիցներն են ֆանառներն ու խորհրդի անդամները: Ողջւյն, լավագույն մաղբաճներով, Լենինականի հավատացյալ ժողովրդին:

Սիրելի հավատացյալներ, Ս. Գրիգոր ասված է՝ լավ է, որ եղբայրներ միասին լինեն՝ միախորհուրդ և սիրով միաբան: Հայ ժողովրդի զավակները սիրով իրար հետ կապված են մնացել մանավանդ Ս. Եկեղեցու կամարների տակ: Մեր հայրերը կառուցել են տաճարներ, Աստուծո տներ, որ մեր հավատացյալները այնտեղ աղոթեն և իրար ողջունեն որպես հաւաքատեղ եղբայրներ և որդիներ միեւնոյն Աստուծո, այնտեղ սիրեն միմյանց և լինեն «մի հօտ և մի հովիտ»:

Այս փառափ նախահայրերը կառուցել են փառավոր վանքեր և եկեղեցիներ: Յոթվեթ եկեղեցու անունը ծանոթ է ամբողջ աշխարհի հայության: Արտասամանում ասում են, որ մենք մի հատ Յոթվեթ ունենք, այն էլ Լենինականում է գտնվում: Մեր հավատավոր նախնիք այստեղ կառուցել են նաև Ս. Փրկիչը, Ս. Նշանը և փառավոր վանքեր, որոնցից մին՝ Հառիճա վանքը, առիթ ունեցանք այսօր այցելելու, ապա Մարմաշենը և մյուսները, որոնք մեր փառքն են կազմում մյուս հին կորոզների հետ միասին:

Մենք Մեր օրհնությունն ենք բերում Լենինական փառափ ու շրջանի բոլոր գյուղերի մշակներին, բանվորներին, բազմակույ և մրտաֆոլ բոլոր աշխատողներին և ղեկավարներին, որոնք շենացնում, ծաղկեցնում և գեղեցկացնում են մեր Հայրենիքի երկրորդ փառքը:

Այս է մեր Տիրոջ պատվերը՝ ապրենք սիրով և նույն հավատով, լինենք շնորհար և առաքինասեր:

«Յանել ի մեզ, Տէր Ամենակալ, զհաւատ, զյոյս, զսէր և զամենայն գործս առաքինութեան»:

Սիրելի ժողովո՛ւրդ Լենինականի, մաղթում ենք ձեզ մարմնի և հոգու առողջություն, աւելաւորություն, մաղթում ենք աստվածասեր գործոց լիակատար հաջողություն»:



Ապրիլի 28-ն է, Նոր կիրակի, Լենինականի Ս. Աստվածածին եկեղեցում հայրապետական հանդիսավոր սուրբ պատարագ մատուցեց և քարոզեց Վեհափառ Հայրապետը: Սուրբ պատարագից դեռ շատ առաջ հսկա եկեղեցին և վերնատունը լցվել է հավատացյալ հայ ժողովրդով: Ժամը 11-ին, հայրապետական լրիվ զգեստավորումով, Վեհափառ Հայրապետը, ամպհովանու տակ, եկեղեցական թափորով, մոմով ու խնկով և

է քար լուծիւմ և վեհափառ մեջ հնչում է Վեհափառ Հայրապետի ձայնը:


«Յանուն Հօր և Որդու և Հոգույն Սրբոյ, ամէն»:

«Քրիստոս յարեա՛ւ ի մեռելոց»:

Սիրելի հավատացյալ ժողովո՛ւրդ, Քրիստոսի հաւորյան ավետիսով այսօր բերում ենք ձեզ ողջուն կենարար ամենայն հայոց Մայր Տաճարից, աստվածակառույց Իշման Ս. Սեղանից:

Մինչև մեր Փրկչի Համբարձման տոնը գտնվում ենք հաւորյան շնորհների ներքո և քառասուն օրերի ընթացքում միմյանց ողջունում ենք ասելով՝ «Քրիստոս յարեա՛ւ ի մեռելոց»:

Այս կիրակին կոչվում է Նոր կիրակի, որովհետև Զատիկից հետո առաջին կիրակին է, որ տոնում ենք նույն ոգով ներշնչված: Քրիստոսի հաւորյան հիշատակը ամբողջ



ՎԵՀԱՓԱՌ ՀԱՅՐԱՊԵՏԸ ՔԱՐՈԶՈՒՄ Է ԼԵՆԻՆԱԿԱՆԻ Ս. ԱՍՏՎԱԾԻՆ ԵԿԵՂԵՑՈՒՄ

«Հրաշափառ»-ով առաջնորդվում է եկեղեցի: Սուրբ պատարագին սպասարկում են գերաշնորհ Տ. Սահակ արքեպիսկոպոսը և վարդապետ հայրերը: Երգում է Լենինականի եկեղեցու երկսեռ քառաձայն խումբը, հոգեշնորհ Տ. Կոմիտաս վարդապետի ղեկավարությամբ: «Հայր մեր»-ից առաջ Վեհափառ Հայրապետը քարոզում է: Եկեղեցում տիրում

տարվա ընթացքում գտնվում է կենտրոնական տեղում և լույս է սփռում մյուս բոլոր օրերի վրա: Ահա քե ինչու ամեն քրիստոնյա խոր ոգևորությամբ դիմավորում է Զատիկը, վասնզի Քրիստոսի հաւորյան հշակութային իրոք որ մեծ է և սուրբ: Առանց Հիսուսի հաւորյան իրողության քրիստոնեական մեր հավատը պիտի լիներ տկար:

պիտի պակսւր հիմնական ուժը, որովհետեւ մանավանդ հարստացում է, որ դավաճում ենք Հիսուսին որպէս Աստուծո Որդու: Մարդկանցից ոչ ոք, բացի մարդացյալ Քրիստոսից, հարստութիւն չառաւ: Նա խմանաւ մեր գրան կոխաց և յարստեամբն իւրով մեզ գլխանս պարգեւեաց: Ահա քե ինչու 2000 տարիներէից ի վեր մարդկությունը դավաճում է նրան որպէս Աստված: Ի՞ր հրաշափառ հարստացումը նա հիմը դրեց մեր հավատի ու Եկեղեցու:

Միւրեւի հավատացյալ ժողովուրդ, այսօր մեր Եկեղեցին տոնում է նաև տխուր մի հիշատակ: Այսօր մեր Ազգի նահատակաց հիշատակի օրն է: Հարց պիտի տաք, քե ինչու մեր Եկեղեցին իր նահատակների, հերոսների հիշատակը տոնում է նոր կիրաւիքին: Հայ Ազգը, ինչպէս քաջ գիտեք, ունեցել է դժբախտ կյանք: Հայ ժողովուրդը ապրել է հալածական, ապրել է արցունքի ու տառապանքի բազում օրեր: Հայ ժողովուրդը նահատակվել է և կոտորվել: Համաշխարհային առաջին պատերազմի ժամանակ սուտ մեկ միլիոն ժողովուրդ բնաջնջվեց Թուրքիայում, որոնցից շատերը նահատակվեցին ահալոր շարշարանների մեջ, անապատներում: Մի կերպ ազատված հայ ժողովրդի մյուս մասը ցրվեց աշխարհով մեկ և այսօր էլ ապրում է Հայրենիքից հեռու, պաւնդխտութեան մեջ:

Այսօր մենք ոգեկոչում ենք այդ անմեղ զոհերի սուրբ հիշատակը և աղոթում նրանց հոգիների համար:

Քայց անա ծագեց նաև Համաշխարհային երկրորդ պատերազմը, որին դուք ակաճատես եղաք, և ինչպէս սովետական մյուս ժողովուրդները, այնպէս էլ հայ ժողովուրդը, տվեց նոր նահատակներ Հայրենիքի պաշտպանության համար: Թշնամիք հարձակվեց գիշերանց, գողի նման. ի՞նչ կմընար անել, երբ ոչ գնե ի ձեռին պաշտպանել Հայրենի հողը: Այդ պատերազմում, որ կոչվեց Հայրենական պատերազմ, գիտեք ինչքան զոհեր տվեցին ազատասեր ժողովուրդները:

Մենք պետք է աղոթենք այսօր նաև նրանց հոգիների համար, որոնք ընկան վասն Հայրենիքի և ժողովրդի: Աստված լուսավորի նրանց հոգին և արժանացնի երկնային արքայության և անբառում պսակին: Քայց երբ մենք աղոթում ենք մեր նահատակների և հերոսների համար, չպետք է նաև մոռանա՞նք աղոթել, որ Աստված Իր ձեռքը հովանի և պաշտպան անի մեզ միւս, որպէսզի այսումեակ պաշտպանվենք շինեն, ժողովուրդները միմյանց հետ ապրեն հաշտ ու խաղաղ, որպէսզի մեր ժողովուրդը, իր խաղաղ ու շինարար կյանքով, է՛լ ավելի ծաղ-

կեցնի ու շենացնի մեր երկիրը, մեր նոր Հայրենիքը: Հարուցյալ Հիսուսի նման, հայ ժողովուրդն իր մանկամբ մանր հաղթեց ու վերածնվեց:

Աստված ուժ ու եռանդ պարգևի հայ ժողովրդին, Սովետական Հայաստանի կառավարության, բոլոր հայ գորակաւորներին ու շինականներին, աշխատավոր մարդկանց և մշակույթի գործիչներին, որոնք իրենց բազկով, հոգով և մտքով կառուցում են մեր նոր Հայրենիքը:

Աղոթում ենք ձեր արեւշատության համար, աղոթում ենք, որ Աստված ձեզ պահի, որպէսզի ձեր զավակներով ու բոններով ձեր օջախների շուրջ միշտ շեն մնաք և ձեր բաժինը բերեք Հայրենիքի վերաշինության սուրբ գործին: Բոլոր հայ հարկերի տակ բող լինի խաղաղություն:

«Շնորհք, սէր և խաղաղութիւն եղիցին ընդ ձեզ, ընդ ամենեւեւանդ, ամէն»:

Հավարտ սուրբ պատարագի տեղի ունեցավ հանդիսավոր հոգեհանգիստ՝ նվիրված զբիրաւոր նահատակացն մերոց Համաշխարհային առաջին և երկրորդ պատերազմաց:

Նկեղեցական սրբազան արարողութեանց ներկա էր ժողովրդական աննախընթաց բազմութիւն, որը սրտատրուի ու խորին լուսթյան մեջ սպաստմ էր համբուրելու համար Վեհափառ Հայրապետի Ս. Աջը:




Նույն օրը երեկոյան Լենինականի քաղաքական իրողմից, քաղաքական շենքում, ի պատիւ Վեհափառ Հայրապետի կազմակերպվել էր պաշտոնական ընդունելություն, որտեղ ներկա էին արվեստի, գիտության ներկայացուցիչներ, մտավորականներ և այլ պաշտոնական անձնավորութեաններ: Հրավիրյալների թվումն էր Հայ Եկեղեցու դործերի խորհրդի նախագահ պ. Զ. Գրիգորյանը: Ընդունելութեանը ներկա էին նաև Լենինականի քահանայից դասը, թեմական խորհրդի անդամները, առաջնորդական տեղապահ հոգեշնորհ Տ. Կոմիտաս վարդապետ Տեր-Ստեփանյանի լղխավորութեամբ: Ընդունելության ժամանակ քաղաքային Սովետի պ. նախագահը առաջին բաժակը առաջարկեց Վեհափառ Հայրապետի կենացը, որ ընդունվեց ծափահարութեամբ: Եղան բազմաթիւ սրտատուլ տ. հայրենասիրական ճառեր: Կատարվեցին երգեր ու արտասանություններ: Վերջում խոսեցավ Վեհափառ Հայրապետը և շնորհակալութեամբ հայտնեց ջերմ ընդունելության համար, օրհնեց Հայրենի պետությանն ու մեր շինարար, ստեղծագործ ժողովրդին:



Ապրիլի 29-ին, երկուշաբթի առավոտյան ժամը 9-ին Վեհափառ Հայրապետը հրաժեշտ առավ Շիրակի թեմի հայ ժողովրդից: Վեհափառ Հայրապետի մեկնման կապակցությամբ խոսենք ընդհանուր էր հավաքվել կայարանի ճանապարհին և մոտքի առջև: Վեհափառ Հայրապետը մեկնելուց առաջ իջավ եկեղեցի, աղոթեց, և ապա, բազմաթիվ ավտոմեքենաների ուղեկցությամբ, հասավ Լենինականի կայարանը: Ողջերթի

րի ճանապարհ են մաղթում Վեհափառ Հայրապետին: Գնացքի իր առանձնատնակի լուսամտոտներից Վեհափառը խաչակնքում է ժողովրդի վրա: Դեպի Երևան...

Նորին Վեհափառությունը խանդավառ ընդունելության արժանացավ նաև Անի կայարանում, որտեղ հավաքված բազմությունը ջերմորեն դիմավորեց Վեհափառ Հայրապետին, որ բարեհաճեց իջնել գնացքից, լինել ժողովրդի մեջ, օրհնել բոլորին և հոգևոր մխիթարություն տալ հավատացյալներին:



ՎԵՀԱՓԱՌ ՀԱՅՐԱՊԵՏԸ ՆԱԽԱԳԱՀՈՒՄ Է ՆԱՀԱՏԱԿԱՆ ՀԻՇԱՏԱԿԻՆ ԿԱՏԱՐՎԱԾ ՀՈԳԵՀԱՆԳՍՏՅԱՆ ԱՐԱՐՈՂՈՒԹՅԱՆ

էին եկել Լենինականի քահանայական դասը, թեմական խորհրդի պատվարժան անդամները, եկեղեցու երկսեռ երկչախտաբեր առաջնորդական տեղապահ հոգեշնորհ Տ. Կոմիտաս վարդապետի գլխավորությամբ:

Վեհափառ Հայրապետին ճանապարհեցին նաև Հայ Եկեղեցու գործերի խորհրդի նախագահ պ. Հ. Գրիգորյանը և տեղական իշխանությունների ներկայացուցիչներ: Բաժանման վերջին րոպեներն են. Վեհափառ Հայրապետը հրաժեշտ է առնում բոլորից, օրհնում է կայարանում հավաքված բազմությունը և բարձրանում է գնացք: Մարժվում է գնացքը, Հաղարավոր ձեռքեր օդի մեջ բարձրացած՝ բա-

ժամը 2.30-ին Լենինականից եկող գնացքը հասավ Երևանի կայարանը: Կայարանի պաշտոնական ընդունելությանը դահլիճում հավաքվել էին Գերագույն Հոգևոր Խորհրդի անդամները, Մայր Աթոռի միաբանությունը, Ճեմարանի դասախոսական կազմը, վանքի պաշտոնեությունը, Երևանի քահանայական դասը, եկեղեցական խորհուրդների անդամները և ժողովրդի ներկայացուցիչները, թղթակիցներ, մամուլի ներկայացուցիչներ:

Կայարանում ներկա էր նաև Հայ Եկեղեցու գործերի խորհրդի նախագահի տեղակալ պ. Ս. Հովհաննիսյանը:

Վեհափառը դիմավորվեց ծափերով և առաջնորդվեց ընդունելության դահլիճ, ուր բարի գալստի խոսքեր արտասանվեցին:

Պաշտոնական ընդունելությունից հետո Վեհափառ Հայրապետը մեկնեց դեպի էջմիածին, ուր եկեղեցական թափորով և «Հրաշափառ»-ով առաջնորդվեց Մայր Տաճար, աղոթեց Իջման Ս. Սեղանի առաջ և ապա դարձավ դեպի ժողովուրդը և ասաց.

«Սիրելի միաբաններ, Մայր Աթոռի պաշտոնյաներ և սիրելի ժողովուրդ.

Ահա մի փանի օր է, ինչ Մենք գտնվում էինք Շիրակի թեմում: Սուրբ սրտով և խոր հույզերով է, որ տարինք Մեր օրհնությունը մեր Մայր Եկեղի փառանքներին ու գյուղերին, դաշտերին ու ձորերին, արտերին ու այգիներին, մեր հարազատ զավակներին, հայ

շինականներին ու բոլոր աշխատանքի մարդկանց, համայն ժողովրդին և բոլոր հայրենաշեն ղեկավարներին: Շիրակի թեմում Մենք զգացինք մեր ժողովրդի անկեղծ սերն ու հավատը դեպի մեր Ս. եկեղեցին: Մենք գոհ ենք Մեր հանապարհնորդությունից և վերադառնում ենք Մայր Աթոռ առավել լավատես:

Եկեղեցական նույն թափորով Վեհափառ Հայրապետը առաջնորդվեց Վեհարան, որտեղ «Պահպանիչ»-ով օրհնեց բոլորին:

Բարի վերադարձ մեր սիրելի և շինարար Հայրապետին:

Հետագային Վեհափառ Հայրապետը կայացելի մեր ներքին մյուս թեմերը:

ԵՂԻՇԵ ՎԱՐԴԱՊԵՏ ՍԱՐԳՍՅԱՆ

